



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Trigesima-Qvarta. In festo Pentecostes, de donis Spiritus sancti.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

Luca 24.

pro adeptione perpetuę salutis, si sustineant patienter tribulationes & labores pro nomine Christi. Nam oportebat pati Christum, & ita intrare in gloriam suam.

5. Ideoque per patientiam & laborem itur ad requiem: quia Pater nullum recipit in cælum, nisi per passionem & crucem in qua quiescit filium suum dilectissimum, quem tradidit pro peccatis nostris crucifigendum. Leua igitur cor sursum, aspice verum cælum, considera quò abiit dilectus tuus. Expãde post eum manus tuas, ora flexis genibus & crebris gemitibus, vt mittat tibi Spiritum sanctum paraclitum in cor tuum aridum & frigidum; qui accedat & dirigat ad omne bonum alacriter perficiendum. Amen.

TRIGESIMA-QUARTA.

In festo Pentecostes, de donis Spiritus sancti.

MAT. 2.

Repleti sunt omnes Spiritu sancto, & ceperunt loqui varijs linguis, prout Spiritus sanctus dabat eloqui illis. Hodie in sancta Ecclesia, gloriosa, Spiritus sancti solemnitas celebratur. Hodie vortius gaudijs vbique conuentus fidelium lætatur, chori Clericorum in hymnis & psalmis iubilant, sacerdotes Missas celebrant & omnes pariter in aduētū Spiritus sancti, Deum altissimè laudant. Hodie namque Apostoli Spiritum sanctū in linguis igneis manifestè acceperunt, & statim intus per amorem suauiter asserunt, & foris verbum Dei fiducialiter prædicauerunt. Hodie cepit fides Christiana publicari, & numerus credentium in Hierosalem augmentari. Hodie facta est lætitia magna in populo, & per Apostolos fiebant multa signa super infirmos. Nam ab exordio mundi, non est audita tam larga donatio Spiritus sancti. Hodie sancta Religio & Apostolica vita sūpsit inītiū, quę deinceps facta est omnium rēligiosorum sanctitatis speculum, & absque proprietate norma in commune viuendi. Hodie sancti Apostoli in charitate Christi ita cōfirmati sunt, & in gratia Spiritus sancti clarificati: vt nullis aduersitatibus frangi, nullis prosperis emolliri, nullis erroribus seduci, nullis rationibus ab integritate fidei valerēt separari. Hodie homines humiles & simplices facti sunt sapientes, & pauperes piscatores efficiuntur magni doctores: & quod in scholis non didicerunt disputando, hoc de cælo acceperunt deuotè orando. Hodie viri illiterati & timorati facti sunt eloquentes & robusti: & qui vnā linguam tantum nouerant, docente Spiritu sancto, omnium linguarum vocibus theologizant. Hodie homines terreni facti sunt cælestes, & qui erant prius despecti, sunt omni nationi sub cælo mirandi: & qui pa-

rum

rum vel nihil scire putabantur, ex lege & Prophetis testimonia de Christo proferunt & exponunt. Hodie Angelica vita orta est in terra, & novum cælum apparuit in mundo: quia de carne ad spiritum, de tepore ad feruorem, de terra ad cælum, didicerunt fideles erigere mentem.

2. O quam feruentes fuerunt, qui tam paucis contenti erant. Quam deuoti & obediētes extiterunt, qui Apostolicis consilijs sponte se subdiderunt! Hæc sunt opera Spiritus sancti, qui corda fidelium de diuersis nationibus in vnam fidem congregauit, spe æternorum bonorum ad cælestia erexit, atque amoris sui facibus repente inflāmauit. Ab his sanctis Apostolis primitiua Ecclesiæ fundata est, & per orbē dilarata, sacris doctrinis imbuta, & multis miraculis valde confirmata. Ab his sanctis Apostolis & Apostolorum sectatoribus, olim sancti eremita perfectæ abrenuntiationis formam primitus acceperunt, & plures post se discipulos in exemplum nobis reliquerūt. Ab his etiam Apostolicis viris & Deo dilectis eremitis gloriosus pater noster Augustinus doctor eximius ad contemptum mundi peruenit: qui postmodū presbyter & Episcopus factus, monasterium clericorum instituit: cepitque cum multis Dei seruis secundum Apostolicam vitam in communi viuere; quibus & regulam suam, quam scripsit, tradidit obseruādā. Simili modō sanctus pater Benedictus, Apostolicæ vitæ imitator strenuus aliam edidit monasticæ disciplinæ regulam, virtutibus plenam, per quam monachi religiosè viuētes, feliciter tenderent ad æternæ beatitudinis gloriam. Sed & alij quam plures religiosi viri, gratia Spiritus sancti inspirati, Euangelicæ perfectionis consilia imitari cupientes, in diuersis mundi partibus sacre religionis ordines instituerūt. Et tantā gratiam a Deo consequuti sunt, vt Apostolicis fulgerent signis, & sanctam Ecclesiam doctrinis illuminarent & exēplis. Merito ergo cuncti fideles diem hunc sanctissimum deuotione præcipua honorare debent, & Spiritus sancti gratiam inuocare; vt eius visitatione mereantur imbui & consolari, eius amore accendi, eius rore ab omni vitiorum sorde purgari.

3. Omnes namque sancti & electi ab origine mūdi, huius sancti Spiritus inspiratione ad diuinum cultum tracti sunt, & ab erroribus Gentilium reuocati: & quicumq; charismata diuina acceperunt, in humilitate Deo maximè placuerunt. Adhuc etiam Spiritus sanctus operatur in fidelibus suis multa bona charitatis opera sibi grata alijsque proficua: etsi non aperta miracula, tamē frequenter internæ deuotionis præstat solatia. Aperit quoque orantibus & attentè psallentibus, sanctarum scripturarum arcana, quæ sunt cognitionis & dilectionis sue signa verissima. Cōfert &

contra multiformis humana fragilitatis tentamenta, spiritualium fortitudinis remedia sancta. Ipse quippe est, qui fideles suos per sacra eloquia erudit, per praelatos regit, per Sacerdotes sacramenta ministrat; ne in huius vite peregrinatione a recto itinere declinent, & in laboribus deficiant. Ipse compungit cor hominum peccatis præteritis, arguit de negligentibus quotidianis & minoribus defectibus: nec patitur morari culpam maculae leuis, in conscientia animæ fidelis. Ipse excitat ad innouandum feruorem, ad deuotè orandum, ad studiosè legendum, ad promptè obediendum ad humilia sectanda, ad exercitia deuota seruanda. Ipse retrahit a terrenis, inuitat ad quietem cordis, increpat de verbis leuibus. Mitigat iram, expellit libidinem, tollit inuidiam, reprimat gulam. Suadet vitare acediam, tenere disciplinam. Docet quid agendum, quidve cauendum sit intus & foris. Ipse adest tribulatis corde, consolatur humiles, erigit pusillanimes; exaudit gementes, miseretur flentibus, veniam tribuit pœnitentibus.

4. Quotiescunque igitur tribularis vel tentaris, ad caelestis auxilium protinus recurre, Spiritus sancti gratiam humiliter inuoca; omnem anxietatem tuam ei expone, atque totaliter pietati eius te committe. Vt pro suo beneplacito & honore, cuncta gramina tua, ad vberiore animæ tuæ profectum, misericorditer ordinet, & ad salutarem finem omnia perducat. Ipse enim omnia nouit, omnia scrutatur & penetrat, & nihil sine causa tibi contingere permittit: flagellat & medetur, humiliat & exaltat. Hæc namque specialis est operatio Spiritus sancti, in hoc fragili corpore multis miseris infecto; vt per veram contritionem purgentur macula peccatorum; vt mala præterita conuertantur in humilitatem ampliorem, atque bona incepta crescant ad perfectionem. Quatenus nullum tempus sine spirituali fructu transeat, sed omnis actio, sermo, & cogitatus, ad honorem Dei & beatissimæ Trinitatis gloriam tendant & perseuerent. Quæ nobis orantibus largiri dignetur Spiritus sanctus sua benignissima gratia, qui Apostolorum corda largissimè impleuit die hodierna. Amen.

TRIGESIMA-QUINTA.

De consolatione Spiritus sancti.

1227. 14.

Ego rogabo Patrem, & alium paraclitum dabit vobis. Cum esset recessurus Dominus noster Iesus Christus corporaliter a discipulis suis, promissit de sua absentia contristatis spiritualem consolationem sancti Spiritus: qui nunquam ab eorum cordibus recederet, sed in æternum cum ipsis permaneret. O quam beata promissio Christi, non de lætitia mundi, sed de consolatione Spiritus sancti! Quæ tam preciosa est & suavis, vt nihil ei comparari possit.